

gnifico, D. JOH. MICH. FEHRIUS, efficaci hortamento ve-  
 lut instillaverat biennio superiori: *Cura pro virili*, inqui-  
 ens, *ut occasione quavis, summum & indulgentissimū Patro-*  
*num merearis & concinnes Academia nostræ Illustrissimum*  
 RAYMUNDUM Comitem, cor & Palladium in Aulâ CÆ-  
 SARIS sanctissimi Societatis Curios. Summoperè lætabar  
 sanè, ubi ex responso Tuæ Celsitudinis ad Præsidentem lau-  
 datum legi nuper: PROTECTORIS *honorificam provin-*  
*ciam prompto lubentiq; animo se suscepisse.* Et honesto  
 æmulationis sensu, ad audendum aliquid, amicè invitave-  
 rat Collegii sui & totius Noribergæ decus nobile, D. Joh.  
 Georg. VOLCKAMERUS, literis privatis de *Magnetis de-*  
*clinatione*, cum Serenissimo Apolline RAYMUNDO  
 Τερεατεχv. haud ita pridem ad me missis. Quid agerem,  
 tot excitatus monitoribus? Auctoritate horum non obse-  
 cundarem, quorum pro imperio voluntas mihi est. Non  
 reverenter salutarem Tutelaris tanti, imò Solis alicujus  
 sive numen, sive lumen? Age, Clementissime PROTE-  
 CTOR, protege & orna, uti potes, uti vis, Naturæ scruta-  
 tores serios ac dignos omnes; servulū indignum me non  
 minùs, Cæsaris exemplo. *Tiberius enim (velut autor est*  
*Hesychius,) Potamonem Mitylenæum, Rhetorem repetitu-*  
*rum lares patrios, his literis dimisit: Potamonem Mityle-*  
*næum, Lesbonaëtis filium offendere qui ausit, consideret is,*  
 an MECUM POSSIT DIMICARE? Sis mihi clypeus,  
 aut Hector & PROTECTOR! ego TIBI Rhetor atq; cli-  
 ens laudes dicam ac debebo immortales. S. Witteb. die  
 XX. Aug. Ann. M DC LXXIX.

CAPUT I.

DE PHOSPHORIS.

S. I. PHosphori vox Græca est, Φωσφόρος & Lucifer, τὸ  
 Φῶς (Φωτὸς) à Luce lumineq; & τὸ Φέρειν, seu ferendo  
 dici-